

素仙簡要

申2

74



素仙簡要序

醫家古未有書有之自靈樞素問
爾後如甲乙難經病源外臺千金
如重規疊矩凡數十家而以仲景
寒括其總要焉宋元以降名醫代起
而求其指歸不外仲景之旨然博而
不精者固有之矣精而不粹者亦所
難免我朝之徐靈胎固一代之巨
擘也即如所著洞溪醫案醫學源流
論幾於家絃而戶誦之矣然繼此而
求如靈胎其人亦罕睹矣此名醫之
所以不易見也頃夏竹齋兄手一編
見示則長白奎公之素仙簡要也余

三復讀之愛其深入靈素傷寒之關
奧而以簡易出之令世之讀其書者
可以望而知醫理之所在而不致為
庸醫所惑是足取也蓋自名醫不作
庸醫遂以不學者亂先聖之法世之
慎重其生者知庸醫之難任而又卒
不得良醫以濟之而先聖之法遂至
為世詬病而醫道乃凌夷而不可問
矣可歎也甚願以此書救其不逮庶
幾不致以生人者殺人而先聖之法
遂以庸醫泯也迺喜而為之敘
甲寅歲重陽後一日止園崔永安
撰序并書於滬上



序

醫之為道其義深其旨博故不有出
人之智不足以造達精微不有執事
之明不足以辨正毫釐是在天資高
妙者方可以學醫博極羣書者方可
以語醫也今京旗太醫院左院判奎
素仙公天分既高師古復細蓋其學
深識人情之理而又能融會百家之
義其於格物致知窮理盡性之道非
可以與方技同類而輕量之也昔范
文正公有言不為良相當為良醫乃
知有聖君不可無良相良醫之權又
與良相等今素仙公可謂醫之良者



歲次

道光壬寅仲春世韻一等男爵陝西
也所著簡要一書輯而成帙清序於
余余詳加翻閱觸類引伸實足以
迪後人先生濟世之心深且遠矣
學者非其素習一旦欲盡通前人
說豈不甚難今得句梳字櫛一目
然而又會萃古人切要之旨卷帙無
多所賅甚博在見聞未廣者固當奉
為圭臬自今以後家傳戶誦素仙之
造福於天下者不小而造福於千萬
世者胡可量哉余獲此編大喜大快
冀速其傳遂為序之而贊其刻之

西安府知府愚弟賁麟頤首拜撰



自序

夫醫雖小道實天下蒼生性命所關非諸末技之可比也攷醫之肇自軒岐素問靈樞二書垂訓古其後續有湯液難經仲景諸書無微不闡無蘊不宣自唐宋以來名家百氏方書燦陳炳若星日治療之法可謂備矣惟藥性診候二書指不勝屈其大者卷帙浩繁難於遍觀誦讀小者又闕略而未盡精微均為未善且間有自相牴牾反足惑人者余嘗憂之不揣謏陋博考經籍採摭羣言彙輯二編藥

性取其簡明

診候揭其要旨酌古

準今參互者訂平居讀之可期

洽貫通臨證施之不致攻補差謬

使為師者必由是而教為弟子者

心由是而學蓋為醫家初學之津

梁也至於深造之士當於全書而

究心焉余髫齡肄業留心醫術迄

登仕版邀祿

天家上自王公下及士庶延請招致

日無虛暇所投方劑幸少貽悞適

庚寅春月

聖躬違和召令診視進方安愈即蒙

恩擢任太醫院左院判之職感荷



殊榮自慙非分由是日夕倍加兢惕圖
展報効之微忱深愧測海之淺見
用敢竭盡鄙誠謹抒醫訣以獻
於有道云爾

省

大清道光二十二年歲次壬寅春月
太醫院左院判奎璣謹序

或有問於予曰古人云醫小道也又云人而無
恆不可以作巫醫何謂也予應之曰所謂有恆
者因其任重也所謂小道者言其工賤也人之



所繫莫大乎生死王公卿相聖賢豪傑可以旋轉
乾坤而不能保無疾病之患一有疾病不得不聽
之醫者而生殺惟命矣夫一人繫天下之重而天
下所繫之人其命又懸於醫者下而一國一家所
擊之人更無論矣其任不已重乎而獨是其人者
又非有爵祿道得之尊才高學廣之譽既非世之
所隆則其自視亦不過為衣食之計雖一介之微
招之而立至其業不已賤乎任重則託之者必得



偉人工賤而業之者必無奇士故有恆之士因小
道因小道恥與同儕有所不為無知之徒此重徒
反掌生殺有所不能窺人情相逼勢出於相違此
千古之兩端是以良醫代之而道因之日墜也故
曰必有真人而後有真知心有真知而後有真醫
醫之為道豈易言哉若夫尋方逐蹟齷齪庸庸椒
硫殺疥葱薤散風誰曰非醫也而縑衣黃冠總稱
釋道矯言偽行何匪儒流是泰山之與邱垤河海

之與行潦固不可同日語也。又若陰陽不識虛實，
悞攻心粗膽大，執拘偏庸，非徒無益而又害之。
徒殆又椒疏菴薤之不若，小道之稱且不可當。
烏足以言醫道哉？不因予之問，予先已有所憾，因
述人情論於集中。古人言立之意，不亦宜乎？問者
唯唯而退。予時方輯簡要，因悉次是語以冠篇首。
誠不自知其無當。望

高明之家，教之素仙奎瑛，題於明道堂之悅心書室。



凡例

一本草候診全書詞繁義奧論述誠難若徒
詞華必支離蔓衍是編之作參靈素湯液以
成書發揮經旨不事虛文惟在簡當易明間
附漢唐以來諸家所論有足補經義未及者
亦採一二但資初學便讀因倣節錄之以裨
實用非敢妄為苟簡也

一神農本草三卷三百六十種分上中下三品



梁陶弘景增藥一倍。隨品附入。唐宋重修。各
有增附。或併或退。今通列為四性。凡五百六
十種。各以類從。初學讀之一覽可知。庶幾章
句貫通。則蘊奧自見。正不必高為議論。而卑
視訓詁之辭也。

一是集所載皆中正和平。諸書所共取。人世所
常用。至於藥味幽僻。採製艱難。及出奇好異
之說。言雖出自古人。與理相背者。梁不選錄。



一望聞問切。古聖稱為神聖工巧。蓋醫之首務。
經云。能合色脉。可以萬全。又云。聞其聲。
其人之疾苦。問其苦欲。而知其病之所在。是
雖聖人不能舍此以為法也。而況後學乎。今
取望聞問切。上合靈素之言。擬成章句。集為
一編。學者熟習諳練。臨證之時。自有得心應
手之妙。

一藥診候二書。醫家必須熟讀書。不熟則理



不明理不明則見識不真至於臨證游移
無定法難以奏效是集統會經義由博
用便搜求使學者易於記誦實從前未有之
編亦可以為醫林之一助耳有識之士當不
以愚言為狂謬也



素仙簡要目錄

卷一

平性藥品

溫性藥品

寒性藥品

熱性藥品

卷二

氣味陰陽

三條



五味藥性

五色五味五氣五行內合藏府

五色入五藏

五味入五藏

五行相尅

五味所能

五味所傷

五藏所苦所欲

